



七祖
御釋

淨土論註



無量壽經優婆提舍願生佉婆數槃頭菩薩造并

註卷上

謹案龍樹菩薩十住毗婆沙云菩薩求阿毗跋致

有二種道一者難行道二者易行道難行道者謂

於五濁之世於無佛時求阿毗跋致為難此難乃

有多途粗言五三以示義意一者外道相修善反善

亂菩薩法二者聲聞自利障大慈悲三者無顧惡

人破他勝德四者顛倒善果能壞梵行五者唯是

自力無他力持如斯等事觸目皆是譬如陸路步

沙門曇鸞註解

行則苦易行道者謂但以信佛因緣願生淨土乘
佛願力便得往生彼清淨土佛力住持即入大乘
正定之聚正定即是阿毗跋致譬如水路乘船則
樂此無量壽經優婆提舍蓋上行之極致不退之
風航者也無量壽是安樂淨土如來別號釋迦牟
尼佛在王舍城及舍衛國於大衆之中說無量壽
佛莊嚴功德即以佛名號爲經躰後聖者婆藪槃
頭菩薩服膺反外多如來大悲之教傍經作願生偈
復造長行重釋梵言優婆提舍此間無正名相譯

若舉一隅可名爲論所以無正名譯者以此間本
無佛故如此間書就孔子而稱經餘人製作皆名
爲子國史國紀之徒各別躰例然佛所說十二部
經中有論議經名優婆提舍若復佛諸弟子解佛
經教與佛義相應者佛亦許名優婆提舍以入佛
法相故此間云論直是論議而已豈得正譯彼名
耶又如女人於子稱母於兄云妹如是等事皆隨
義各別若但以女名汎談母妹乃不失女之大躰
豈合尊卑之義乎此所云論亦復如是是以仍而

音存梵音曰優婆提舍此論始終凡有二重一是
惣說分二是解義分惣說分者前五言偈盡是
解義分者論曰已下長行盡是所以為二重者有
二義偈以誦經為惣攝故論以釋偈為解義故無
量壽者言無量壽如來壽命長遠不可思量也經者
常也言安樂國土佛及菩薩清淨莊嚴功德國土
清淨莊嚴功德能與衆生作大饒益可常行于世
故名曰經優婆提舍是佛論議經名願是欲樂義
生者天親菩薩願生彼安樂淨土如來淨華中生

故曰願生偈是句數義以五言句略誦佛經故名
為偈譯婆數云天譯槃頭言親此人字天親事在
付法藏經菩薩者若具存梵音應云菩提薩埵菩
提者是佛道名薩埵或云衆生或云勇健求佛道
衆生有勇猛健志故名菩提薩埵今但言菩薩譯
者略耳造亦作也庶因人重法故云某造是故言
無量壽經優婆提舍願生偈數槃頭菩薩造解
論名目竟偈中分爲五念門如下長行所釋第一
行四句相含有三念門上三句是禮拜讚嘆門下

一句是作願門第二行論主自述我依佛經造論
與佛教相應所服有宗何故云此為成履婆提舍
名故亦是成上三門起下二門所以次之說從第
三行盡二十四行是觀察門末後一行是迴向門
介偈章門竟

世尊我一心歸命盡十方無尋光如來願生安樂
國世尊者諸佛通號論智則義無不達語斷則習
氣無餘智斷具足能利世間為世尊重故曰世尊
此言意歸釋迦如來何以得知下句言我依修多

羅天親菩薩在釋迦如來像法之中順釋迦如來
經教所以願生願生有宗故知此言歸于釋迦若
謂此意遍告諸佛亦復無嫌夫菩薩歸佛如孝子
之歸父母忠臣之歸君后動靜非已出沒必由知
恩報德理宜先啓又所願不輕若如來不加威神
將何以達乞加神力所以仰告我一心者天親菩
薩自督之詞言念無尋光如來願生安樂心心相
續無他想間雜問曰佛法中無我此中何以稱
我答曰言我有三根本一是邪見語二是自大語

三是流布語。今言我者，天親菩薩自指之言。用流布語，非邪見自大也。歸命盡十方無尋光如來者，歸命即是禮拜門。盡十方無尋光如來，即是讚嘆門。何以知歸命是禮拜？龍樹菩薩造阿彌陀如來讚中，或言稽首禮，或言我歸命，或言歸命禮。此論長行中亦言修五念門，五念門中禮拜是一。天親菩薩既願往生，豈容不禮？故知歸命即是禮拜。然禮拜但是恭敬，不必歸命。歸命必是禮拜。若以此推歸命為重，偈申已心，宜言歸命論解，偈義汎談。

禮拜彼此相成於義。彌頭何以知盡十方無尋光如來是讚嘆門？下長行中言云：何讚嘆門？謂稱彼如來名，如彼如來，光明智相，如彼名義，欲如實修行相應。故依舍衛國所說無量壽經，佛解阿彌陀如來名號，何故號阿彌陀？彼佛光明無量，照十方國，無所障身。是故號阿彌陀。又彼佛壽命及其人民無量無邊，阿僧祇劫。故名阿彌陀。問曰：若言無尋光如來，光明無量，照十方國，土無所障身者，此間衆生何以不蒙光照？光有所不照，豈非有尋耶？答

曰尋屬衆生非光尋也譬如日光周四天下而盲者不見非日光不周也亦如密雲洪漣漣之反而石不潤非雨不洽洽之反也若言一佛主頌三千大千世界是聲聞論中說若言諸佛遍領十方無量無邊世界是大衆論中說天親菩薩今言盡十方無身光如來即是依彼如來名如彼如來光明智相讚嘆故知此句是讚嘆門願生安樂國者此一句是作願門天親菩薩歸命之意也其安樂義具在下觀察門中間曰大衆經論中處處說衆生畢

竟無生如虛空云何天親菩薩言願生耶答曰說衆生無生如虛空有二種一者如凡夫所謂實衆生如凡夫所見實生死此所見事畢竟無所有如龜毛如虛空二者謂諸法因緣生故即是不生無所有如虛空天親菩薩所願生者是因緣義因緣義故假名生非如凡夫謂有實衆生實生死也問曰依何義說往生答曰於此間假名人中修五念門前念與後念作因穢土假名人淨土假名人不得決定一不得決定異前心後心亦復如是何以故若

一則無因果若異則非相續是義觀一異門論中
委曲釋第一行三念門竟次成優婆提舍名又成
上起下偈

我依修多羅真實功德相說願偈摠持與佛教相
應此一行云何成優婆提舍名云何成上三門起
下二門偈言我依修多羅與佛教相應修多羅是
佛經名我論佛經義與經相應以入佛法相故得
名優婆提舍名成竟成上三門起下二門何所依
何故依云何依何所依者依修多羅何故依者以

如來卽真實功德相故云何依者修五念門相應
故成上起下竟修多羅者十二部經中直說者名
修多羅謂四阿含三藏等三藏外大衆諸經亦名
修多羅此中言依修多羅者是三藏外大衆修多
羅非阿含等經也真實功德相者有二種功德一
者從有漏心生不順法性所謂凡夫人天諸善人
天果報若因若果皆是顛倒皆是虛偽是故名不
實功德二者從菩薩智惠清淨業起莊嚴佛事依
法性入清淨相是法不顛倒不虛偽名爲真實功

德云何不顛倒依法性順二諦故云何不虛偽攝
眾生入畢竟淨故說願偈摠持與佛教相應者持
名不散不失摠名以少攝多偈言五言句數願名
欲樂往生說謂說諸偈論摠而言之說所願生偈
摠持佛經與佛教相應相應者譬如函蓋相稱也
觀彼世界相勝過三界道此已下是第四觀察門
此門中分為二別一者觀察器世間莊嚴成就二
者觀察眾生世間莊嚴成就此句已下至願生彼
阿彌陀佛國是觀器世間莊嚴成就觀器世間中

復分為十七別至下文當見此二句即是第一事名
為觀察莊嚴清淨功德成就此清淨是摠相佛本
所以起此莊嚴清淨功德者見三界是虛偽相是
輪轉相是無窮相如蠅音大虻音虫一郭反脩環如蠶音才含
反繭音蠶衣音公自縛哀哉眾生締音帝縛音不解此三界顛
倒不淨欲置眾生於不虛偽處於不輪轉處於不
無窮處得畢竟安樂大清淨處是故起此清淨莊嚴
功德也成就者言此清淨不可破壞不可汙染非如
三界是汙染相是破壞相也觀者觀察也彼者彼安

樂國也世界相者彼安樂世界清淨相也其相別在
下勝過三界道者通也以如此因得如此果以如
此果酬如此因通因至果通果酬因故名爲道三界者
一是欲界所謂六欲天四天下人畜生餓鬼地獄等是
也二是色界所謂初禪二禪三禪四禪天等是也
三是無色界所謂空處識處無所有處非想非非
想處天等是也此三界蓋是生死凡夫流轉之闇
宅雖復苦樂小殊脩短暫異統而觀之莫非有漏
倚伏相乘脩環無際雜生觸受四倒長拘且因且

果虛偽相襲安樂是菩薩慈悲正觀之由生如來
神力本願之所建胎卵濕生緣茲高擢業繫長維
從此永斷續括之權不待勸而變引勞謙善讓齊
普賢而同德勝過三界抑是近言

究竟如虛空廣大無邊際此二句名莊嚴量功德

成就佛本所以起此莊嚴量功德者見三界

反小墮或或反陁山絕地陪備文亦反諸如海者

與或宮觀音伯迨子格或土田逼隘賣反或志未

路促或山河壩厄反障或國界紛部有如此等種

種舉急事是故菩薩興此莊嚴量功德願願我國
土如虛空廣大無際如虛空者言來生者雖衆猶
若無也廣大無際者成上如虛空義何故如虛空
以廣大無際故成就者言十方衆生往生者若已
生若今生若當生雖無量無邊畢竟常如虛空廣
大無際終無滿時是故言究竟如虛空廣大無邊
際問曰如維摩方丈苞容有餘何必國界無貲支子
反乃稱廣大千答曰所言廣大非必以畦五十畝或三十畝一
為喻但言如空亦何累方丈又方丈之所苞容在

狹而廣實論果報豈若在廣而廣耶

正道大慈悲出世善根生此二句名莊嚴性功德
成就佛本何故起此莊嚴見有國土以愛欲故則
有欲界以攀厭禪定故則有色無色界此三界皆
是有漏邪道所生長復大夢莫知稀出是故興大
悲心願我成佛以無上正見道起清淨土出于三
界性是本義言此淨土隨順法性不乖法本事同
華嚴經寶王如來性起義又言積習成性指法藏
菩薩集諸波羅蜜積習所成亦言性者是聖種性

序法藏菩薩於世自在王佛所悟無生法忍亦時
位名聖種性於是性中發四十八大願修起此土
即曰安樂淨土是彼因所得果中說因故名爲性
又言性是必然義不改義如海性一味衆流入者
必爲一味海味不隨彼改也又如人身性不淨故
種種妙好色香美味入身皆爲不淨安樂淨土諸
往生者無不淨色無不淨心畢竟皆得清淨平等
無爲法身以安樂國土清淨性成就故正道大慈
悲出世善根生者平等大道也平等道所以名爲

正道者平等是諸法躰相以諸法平等故發心等
發心等故道等道等故大慈悲等大慈悲是佛道
正因故言正道大慈悲慈悲有三緣一者衆生緣
是小悲二者法緣是中悲三者無緣是大悲大悲
即出世善也安樂淨土從此大悲生故故謂此
大悲爲淨土之根故曰出世善根生

淨光明滿足如鏡日月輪此二句名莊嚴形相功
德成就佛本所以起此莊嚴功德者見日行四域
光不周三方庭燎力小反在室明不滿十仞以是故

起滿淨光明願如日月光輪滿足自躰彼安樂淨
土雖復廣大無邊清淨光明無不充塞故曰淨光
明滿足如鏡日月輪

備諸珍寶性具足妙莊嚴此二句名莊嚴種種事
功德成就佛本何故起此莊嚴見有國土以泥土
為宮飭以木石為華觀或彫金鏤玉意願不充或
營備百千具受辛苦以此故興大悲心願我成佛
必使珍寶具足嚴麗自然相忘於有餘自得於佛
道此莊嚴事縱使毘首羯磨工稱妙絕積思竭想

豈能取圖性者本義也能生既淨所生焉得不淨
故經言隨其心淨則佛土淨是故言備諸珍寶性
具足妙莊嚴

無垢光炎熾明淨曜世間此二句名莊嚴妙色功
德成就佛本何故起此莊嚴見有國土優劣不同
以不同故高下以形高下既形是非以起是非既
起長淪沒倫音三有是故興大悲心起平等願願我
國土光炎熾盛第一無比不如人天金色能有奪
者若為相奪如明鏡在金邊則不現今日時中金

比禰在時金則不現佛在時金比閻浮那金則不
現閻浮那金比大海中轉輪王道中金沙則不現
轉輪王道中金沙比金山則不現金山比須彌山
金則不現須彌山金比三十三天瓔珞金則不現
三十三天瓔珞金比炎摩天金則不現炎摩天金
比毘率陀天金則不現毘率陀天金比化自在天
金則不現化自在天金比他化自在天金則不現
他化自在天金比安樂國中光明則不現所以者
何彼土金光絕從垢業生故清淨無不成就故安

樂淨土是無生忍菩薩淨業所起阿彌陀如來法
王所領阿彌陀如來為增上緣故是故言無垢光
炎熾明淨曜世間曜世間者曜二種世間也寶性
功德草柔軟左右旋觸者生勝樂過迦旃隣陀此
四句名莊嚴觸功德成就佛本何故起此莊嚴見
有國土雖寶重金玉不得為衣服珍翫明鏡無議
於敷具斯緣悅於目不便於身也身眼二情豈弗
鉗楮乎是故願言使我國土人天六情和於水乳
率去楚越之勞所以七寶柔軟悅目便身迦旃隣

隨者天竺柔輦草名也觸之者能生樂受故以為
喻註者言此間土石草木各有定跡譯者何緣目
彼資為草耶當以其蘆草得風兒能榮草旋兒反
細草目蔣故以草目之耳余若參譯當別有途生
勝樂者觸迦旃隣陀生殊著樂觸彼輦寶生法喜
樂二事相玄非勝如何是故言寶性功德草柔輦
左右旋觸者生勝樂過迦旃隣陀
寶華千萬種彌覆池流泉微風動華葉交錯光亂
轉此四句名莊嚴水功德成就佛本何故起此願

見有國土或溼弱江水大波謂洪濤海波上萍沫
驚人或凝斯流冰上爽古甲滌灑相著灑迫子柳
懷恣失常他向無安悅之情皆有恐值之慮菩薩
見此興大悲心願我成佛所有流泉池沼池之與
宮殿相稱事出種種寶華布為氷飭微風徐扇映
發有序開神悅躰無二不可是故言寶華千萬種
彌覆池流泉微風動華葉交錯光亂轉
宮殿諸樓閣觀十方無身雜樹異光色寶欄遍圍
繞此四句名莊嚴地功德成就佛本何故起此莊

嚴見有國土消高反嶠才嶠牛消反嶠高俊嶠枯木橫

岑山不齊反岑容五嶠深山谷亦山嶠力深無崖

荷惡草見茅道多草不可盈壑茫茫滄海為絕目之

川蕨蕨廣澤為無蹤之所菩薩見此興大悲願願

我國土地平如掌宮殿樓閣鏡納十方的無所屬

亦非不屬寶樹寶欄互為映飭是故言宮殿諸樓

閣觀十方無尋雜樹異光色寶欄遍圍繞

無量寶交絡羅網遍虛空種種鈴發響宣吐妙法

音此四句名莊嚴虛空功德成就佛本何故起此

莊嚴見有國土煙雲塵霧蔽障太虛震烈霽雨色

霍大兩下從上而臨不祥裁天火葬境屈虹青

色陰氣五結反每自空來憂慮百端為之毛豎菩薩見此

興大悲心願我國土寶網交絡羅網遍虛空鈴鐸

大各反官商鳴宜道法視之無厭懷道見德是故言

無量寶交絡羅網遍虛空種種鈴發響宣吐妙法

音兩華衣莊嚴無量香普薰此二句名莊嚴兩功

德成就佛本何故興此莊嚴見有國土欲以服饒

布地延請所尊或欲以香華名寶用表恭敬而業

貧感薄是事不果是故興大悲願願我國土常雨
此物滿衆生意何故以雨為言恐取者云若常雨
華衣亦應填塞虛空何緣不妨是故以雨為喻兩
適時則無洪流水漫大他高反之患安樂報豈有累情之
物乎經言日夜六時雨寶衣兩寶華寶質柔輒履
踐其上則下四寸隨舉足時還復如故用說入寶
地如水入坎是故言兩華衣莊嚴無量香普薰
佛惠明淨日除世癡闇冥此二句名莊嚴光明功
德成就佛本何故興此莊嚴見有國土雖復項背

日光而為愚癡所闇是故願言使我國土所有光
明能除癡闇入佛智惠不為無記之事亦云安樂
國土光明從如來智惠報起故能除世闇冥經言
或有佛土以光明為佛事即是此也故言佛惠明
淨日除世癡闇冥

梵聲悟深遠微妙聞十方此二句名莊嚴妙聲功
德成就佛本何故興此願見有國土雖有善法而
名聲不遠有名聲雖遠復不微妙有名聲妙遠復
不能悟物是故起此莊嚴天竺國稱淨行為梵行

稱妙辭為梵言彼國貴重梵天多以梵為讚亦言
中國法與梵天通故也聲者名也名謂安樂之名
經言若人但聞安樂淨土之名欲願往生亦得如
願此名悟物之證也釋論言如斯淨土非三界所
攝何以言之無欲故非欲界地居故非色界有龜
故非無色界蓋菩薩別業所致耳出有而有曰微
出有者謂出三有而有者謂淨土有也名能開悟曰妙妙好也以名能悟物故稱
是故言梵聲悟深遠微妙聞十方
正覺阿彌陀法王善住持此二句名莊嚴主功德

成就佛本何故興此願見有國土羅刹為君則卒
土相敬寶輪駐立馬長殿則四域無虞譬之風靡
豈無本耶是故興願願我國土常有法主法王善
力之所住持住持者如黃鵠持子安十齡更起魚
母念持子逕樂不壞夏有水冬無水安樂國為正
覺善持其國豈有非正覺事耶是故言正覺阿彌
陀法王善住持
如來淨華衆正覺華化生此二句名莊嚴眷屬功
德成就佛本何故興此願見有國土或以胞血為

身器或以糞屎為生元或槐棘高坳出犍狂之子
或豎子婢腹出草犖零角反之才譏謂才石由之懷反
次耻辱緣以抱水所以願言使我國土悉於如來
淨華中生眷屬平等與奪無路故言如來淨華衆
正覺華化生愛樂佛法味禪三昧為食此二句名
華嚴受用功德成就佛本何故興此願見有國土或
採巢破卵為餼盛食滿克饒飽也多之饒或懸沙
指俯為相慰之方嗚呼諸子實可痛心是故興大
悲願願我國土以佛法以禪定以三昧為食永絕

他食之勞愛樂佛法味者如日月燈明佛說法華
經六十小劫時會聽者亦坐一處六十小劫謂如
食頃無有一人若身若心而生懈倦以禪定為食
者謂諸大菩薩常在三昧無他食也三昧者彼諸
人天若須食時百味嘉餼羅列在前眼見色鼻聞
香身受適悅自然飽足訖已化去若須復現其事
在經是故言愛樂佛法味禪三昧為食
永離身心惱受樂常無間此二句名華嚴無諸難
功德成就佛本何故興此願見有國土或朝預袞

龍夕惶芥鉞或幼捨蓬藜長列方丈或鳴茄道出
麻歷經催還有如是等種種違奪是故願言使我
國土安樂相續畢竟無間身惱者飢渴寒熱殺害
等也心惱者是非得失三毒等也是故言永離身
心惱受樂常無間

大乘善根界等無譏嫌名女人及根缺二乘種不
至此四句名莊嚴大義門功德成就門者通大義
之門也大義者大乘所以也如人造城得門則入
若人得生安樂者是則成就大乘之門也佛本何

故興此願見有國土雖有佛如來賢聖等衆由國

濁故分一說三或以拓聽各眉致識或緣指語招

譏是故願言使我國土皆是大乘一味平等一味

根敗種子畢竟不生女人殘缺名字亦斷是故言

大乘善根界等無譏嫌名女人及根缺二乘種不

生問曰案王舍城所說無量壽經法藏菩薩四十

八願中言設我得佛國中聲聞有能計量知其數

者不取正覺是有聲聞一證也又十住毘婆沙中

龍樹菩薩造阿彌陀讚云超出三界獄自如蓮華

葉聲聞衆無量是故替首禮是有聲聞二證也又
摩訶衍論中言佛土種種不同或有佛土純是聲
聞僧或有佛土純是菩薩僧或有佛土菩薩聲聞
會爲僧如阿彌陀安樂國等是也是有聲聞三證
也諸經中有說安樂國處多言有聲聞不言無聲
聞聲聞卽是二乘之一論言乃至無二乘名此云
何會答曰以理推之安樂淨土不應有二乘何以
言之夫有病則有藥理數之常也法華經言釋迦
牟尼如來以出五濁世故介一爲三淨土旣非五

濁無三乘明矣法華經導諸聲聞是人於何而得
解脫但離虛妄名爲解脫是人實未得一切解脫
以未得無上道故嚴推此理阿羅漢旣未得一切
解脫必應有生此人更不生三界三界外除淨土
更無生處是以唯應於淨土生如言聲聞者是他
方聲聞來生仍本名故稱爲聲聞如天帝釋生人
中時姓憍尸迦後雖爲天主佛欲使人知其由來
與帝釋語時猶稱憍尸迦其此類也又此論但言
二乘種不生謂安樂國不生二乘種子亦何妨二

乘來生耶譬如橘栽不生江北河洛菓肆亦見有
橘又言鸚武不渡壘西趙魏架桁亦有鸚鷓此二
物但言其種不渡彼有聲聞亦如是作如是解經
論則會問曰名以召事有事乃有名安樂國既無
二乘女人根缺之事亦何須復言無此三名耶答
曰如軟心菩薩不甚勇猛譏言聲聞如人諂曲或
復懦弱譏言女人又如眼雖明而不識事譏言盲
人又如耳雖聽而聽義不解譏言聾人又如舌雖
語而訥口嚙吃譏言痴人有如是等根雖具足而

有譏嫌之名是故須言乃至無名明淨土無如是
等與奪之名問曰尋法藏菩薩本願及龍樹菩薩
所讚皆似以彼國聲聞衆多為奇此有何義答曰
聲聞以實際為證計不應更能生佛道根芽而佛
以本願不可思議神力攝令生彼必當復以神力
生其無上道心譬如鳩鳥入水魚蚌咸死犀牛觸
之死者皆活如此不應生而生所以可奇然五不
思議中佛法最不可思議佛能使聲聞復生無上
道心真不可思議之至也

衆生所願樂一切能滿足此二句名莊嚴一切所
求滿足功德成就佛本何故興此願見有國土或
名高位重潛處無由或人凡性鄙怖出靡路或脩
短繫業制不在已如阿私陀仙人類也有如是等
爲業風所吹不得自在是故願言使我國土各稱
所求滿足情願是故言衆生所願樂一切能滿足
是故願生彼阿彌陀佛國此二句結成上觀察十
七種莊嚴國土成就所以願生釋器世間清淨訖
之于上次觀衆生世間清淨此門中分爲二別一

者觀察阿彌陀如來莊嚴功德二者觀察彼諸菩
薩莊嚴功德觀察如來莊嚴功德中有八種至文
當問曰有論師泚解衆生名義以其輪轉三有
受衆多生死故名衆生今名佛菩薩爲衆生是義
云何答曰經言一法有無量名一名有無量義如
以受衆多生死故名爲衆生者此是小乘家釋三
界中衆生名義非大乘家衆生名義也大乘家所
言衆生者如不增不減經言言衆生者即是不生
不滅義何以故若有生生已復生有無窮過故有

不生而生，適故是故無生。若有生，可有滅。既無生，何得有滅？是故無生無滅。是衆生義。如經中言：五受陰通達空，無所有是苦。義斯其類也。

無量大寶王微妙淨華臺。此二句名莊嚴座功德成就。佛本何故莊嚴此座？見有菩薩於末後身敷草而坐，成呵耨多羅三藐三菩提。入天見者，不生增上，信增上，恭敬增上，愛樂增上，修行是故願言：我成佛時，使無量大寶王微妙淨華臺，以爲佛座。無量者如觀無量壽經言：七寶地上有大寶蓮華。

王座蓮華，一一葉作百寶色，有八萬四千脉，猶如天畫脉，有八萬四千光花葉。小者縱廣二百五十由旬，如是華有八萬四千葉。一一葉間有百億摩尼珠王，以爲映飾。一一摩尼放千光明，其光如蓋。七寶合成，徧覆地上。釋迦毗楞伽寶，以爲其臺。此蓮華臺八萬金剛甄叔迦寶梵摩尼寶妙真珠網，以爲嚴飾。於其臺上，自然而有四柱寶幢。一一寶幢如八萬四千億須弥山，幢上寶幔如夜摩天宮，有五百億微妙寶珠，以爲映飾。一一寶珠有八萬

四千光一一光作八萬四千異種金色一一金光
遍安樂寶土處處變化各作異相或為金剛臺或
作真珠網或作雜華雲於十方面隨意變現化作
佛事如是等事出過數量是故言無量大寶王微
妙淨華臺

相好光一尋色像超群生此二句各莊嚴身業功
德成就佛本何故莊嚴如此身業見有佛身夢一
丈光明於人身光不甚超絕如轉輪王相好亦大
同提婆達多所滅唯一致令阿闍世王以茲懷亂

刪闍耶等敢如螻蛄或如此類也是故莊嚴如此
身業案此間詰訓六尺曰尋如觀無量壽經言阿
彌陀如來身高六十萬億那由他恒河沙由旬佛
圓光如百億三千大千世界譯者以尋而言何其
本代乎里舍間人不問縱橫長短咸謂橫舒兩
反手臂為尋若譯者或取此類用准阿彌陀如來舒
臂為言故稱一尋者圓光亦應徑六十萬億那由
他恒河沙由旬是故言相好光一尋色像超群生
問曰觀無量壽經言諸佛如來是法界身入一切

衆生心想中是故汝等心想佛時是心卽是三十二相八十隨形好是心作佛是心是佛諸佛正遍知海從心想生是義云何答曰身名集成界名事別如眼界緣根色空明作意五因緣生名爲眼界是眼但自行已緣不行他緣以事別故耳鼻等界亦如是言諸佛如來是法身者法身是衆生心法也以心能生世間出世間一切諸法故名心爲法界法界能生諸如來相好身亦如色等能生眼識是故佛身名法界身是身不行他緣是故入

切衆生心想中心想佛時是心卽是三十二相八十隨形好者當衆生心想佛時佛身相好顯現衆生心中也譬如水清則色像現水之與像不一不異故言佛相好身卽是心想也是心作佛者言心能作佛也是心是佛者心外無佛也譬如火從木出火不得離木也以不離木故則能燒木木爲火燒木卽爲火也諸佛正遍知海從心想生者正遍知者真正如法界而知也法界無相故諸佛無知也以無知故無不知也無知而知者是正遍知

也是知深廣不可測量故譬海也

如來微妙聲梵響聞十方此二句名莊嚴口業功

德成就佛本何故興此莊嚴見有如來名似不尊

如外道轉人稱瞿曇姓成道日聲唯徹梵

天是故願言使我成佛妙聲遐布聞者悟忍是故

言如來微妙聲梵響聞十方

同地水火風虛空無分別此二句名莊嚴心業功

德成就佛本何故興此莊嚴見有如來說法云此

黑此白此不黑不白下法中法上法上上法有如

是等無量差別品似有介別是故願言使我成佛

如地荷負無輕重之殊如水潤長無草蔞瑞草

之異如火成熟無芳臭之別如風起發無眠悟之

差如空苞受無開塞之念得之于內物安於外虛

往實歸於是于息是故言同地水火風虛空無分

別天人不動衆清淨智海生此二句名莊嚴大衆

功德成就佛本何故起此莊嚴見有如來說法輪

下所有大衆諸根性欲種種不同於佛智惠若退

若沒以不等故衆不純淨所以興願願我成佛所

第五大衆
德二
初牒偈
二正釋

第六首
功德
初釋偈
二正釋

有天人皆從如來智惠清淨海生海者言佛一切
種智深廣無涯不宿二乘雜善中下死尸喻之如
海是故言天人不動衆清淨智海生不動者言彼
天人成就大乘根不可傾動也

如須彌山王勝妙無過者此二句名華嚴上首功
德成就佛本何故起此願見有如來衆中或有強
梁者如提婆達多流比或有國王與佛並治不知
甚推佛或有請佛以他緣廢忘有如是等似上首
力不成就故願言我為佛時願一切大衆無能

第七首
功德
初釋偈
二正釋

生心敢與我等唯一法王更無俗王是故言如須
彌山王勝妙無過者

天人丈夫衆恭敬繞瞻仰此二句名華嚴主功德
成就佛本何故起此莊嚴見有佛如來雖有大衆
衆中亦有不甚恭敬如一比丘語釋迦牟尼佛若
不與我解十四難我當更學餘道亦如居迦離諍
舍利弗佛三語而三不受又如諸外道輩從入佛
衆而常伺求佛短又如第六天魔常於佛所作諸
留難有如是等種種不恭敬相是故願言使我成

佛天人大眾恭敬無倦所以但言天人者淨土無

女人及八部鬼神故也是故言天人丈夫眾恭敬

繞瞻仰

觀佛本願力遇無空過者能令速滿足功德大寶

海此四句名莊嚴不虛作住持功德成就佛本何

故起此莊嚴見有如來但以聲聞為僧無求佛道

者或有值佛而不免三塗善星提婆達多居迦離

等是也又人聞佛名號發無上道心遇惡因緣退

入聲聞辟支佛地者有如是等空過者退沒者是

故願言使我成佛時值遇我者皆速疾滿足無上

大寶是故言觀佛本願力遇無空過者能令速滿足

功德大寶海住持義如上觀佛莊嚴八種功德茲

之于上初正觀次觀安樂國諸大菩薩四種莊嚴功德成

就問曰觀如來莊嚴功德何所闕少復須觀菩薩

功德耶答曰如有明君則有賢臣堯舜之稱無為

是其比也若使但有如來法王而無大菩薩法臣

於翼讚道豈足云滿亦如薪積小則火不大如經

言阿彌陀佛國有無量無邊諸大菩薩如觀世音

第八不虛住持功德二正釋

此選獲手三殿初以不聞來一為空過者一為空過者一為空過者一為空過者

二觀菩薩三初結三初正觀二初正觀

第八不虛住持功德二正釋
時正觀佛八種功德終莊嚴上三莊嚴功德悉本願力所顯也

三總結是科上三句末八種功德結也

二有德故

大勢至等皆當一生於他方次補佛處若人稱名
憶念者歸依者觀察者如法華經普門品說無願
不滿上云然菩薩愛樂功德如海吞流無止足情亦如
釋迦牟尼如來聞目闍比丘如言誰愛功德為
我維針維針爾時如來從禪定起來到其所語言我愛
福德遂為其維針維針爾時失明比丘聞暗佛語聲驚
喜交集白佛言世尊世尊功德猶未滿耶佛報言
我功德圓滿無所復須但我此身從功德生知功德
恩分故是故言愛結如所問觀佛功德實無願不充

所以復觀菩薩功德者有如上種種義故耳
安樂國清淨常轉無垢輪化佛菩薩日如須弥住
持佛本何故起此莊嚴見有佛土但是小菩薩不
能於十方世界廣作佛事或但聲聞人天所利狹
小是故興願願我國中有無量大菩薩衆不動本
處遍至十方種種應化如實修行常作佛事譬如
日在天上而影現百川日豈來耶豈不來耶如大集經
言譬如有人善治堤塘量其所宜及放水時不加心力
菩薩亦如是先治一切諸佛及衆生應供養應教

化種種堤塘及入三昧身心不動如實修行常作
佛事如實修行者雖常修行實無所修行也是故
言安樂國清淨常轉無垢輪化佛菩薩日如須弥
住持

無垢莊嚴光一念及一時普照諸佛會利益諸群
生佛本何故起此莊嚴見有如來眷屬欲供養他
方無量諸佛或欲教化無量衆生此沒彼出先南
後北不能以一念一時放光普照遍至十方世界
教化衆生有出沒前後相故是故與願願我佛土

諸大菩薩於一念時頃遍至十方作種種佛事是
故言無垢莊嚴光一念及一時普照諸佛會利益
諸群生問曰上章云身不動搖而遍至十方不動
而至豈非是一時義耶與此若爲差別答曰上但
言不動而至或容有前後此言無前無後是爲差
別亦是成上不動義若不一時則是往來若有往
來則非不動是故爲成上不動義故須觀一時
雨天樂華衣妙香等供養讚諸佛功德無有分別
心佛本何故起此莊嚴見有佛土菩薩人天志趣

不廣不能遍至十方無窮世界供養諸佛如來大
衆或以已土穢濁不敢向詣淨地或以所居清淨
鄙薄穢土以如此等種種局分於諸佛如來所不
能周遍供養發起廣大善根是故願言我成佛時
願我國土一切菩薩聲聞天人大衆遍至十方一
切諸佛大會處所雨天樂天華天衣天香以巧妙
辨辭供養讚嘆諸佛功德雖嘆穢土如來大慈謙
忍不見佛土有雜穢相雖嘆淨土如來無量莊嚴
不見佛土有清淨相何以故以諸法等故諸如來

等是故諸佛如來名為等覺若於佛土起優劣心
假使供養如來非法供養也是故言雨天樂華衣
妙香等供養讚諸佛功德無有分別心
何等世界無佛法功德寶我願皆往生示佛法如
佛佛本何故起此願見有輕心菩薩但樂有佛國
土修行無慈悲堅牢心是故興願願我成佛時我
土菩薩皆慈悲勇猛堅固志願能捨清淨土至他
方無佛法僧處住持莊嚴佛法僧寶示如有佛使
佛種處處不斷是故言何等世界無佛法功德寶

我願皆往生示佛法如佛觀菩薩四種莊嚴功德
成就訖之干上次下四句是迴向門

我作論說偈願見阿彌陀佛普共諸衆生往生安樂
國此四句是論主迴向門迴向者迴已功德普施
衆生共見阿彌陀如來生安樂國無量壽修多羅
章句我以偈誦惣說竟問曰天親菩薩迴向章中
言普共諸衆生往生安樂國此指與何等衆生耶
答曰案王舍城所說無量壽經佛告阿難十方恒
河沙諸佛如來皆共稱嘆無量壽佛威神功德不

可思議諸有衆生聞其名號信心歡喜乃至一念
至心迴向願生彼國即得往生住不退轉唯除五
逆誹謗正法案此而言一切外凡夫人皆得往生
又如觀無量壽經有九品往生下下品生者或有
衆生作不善業五逆十惡具諸不善如此愚人
惡業故應墮惡道經歷多劫受苦無窮如此愚人
臨命終時遇善知識種種安慰為說妙法教令念
佛此人苦逼不遑念佛善友告言汝若不能念者
應稱無量壽佛如是至心令聲不絕具足十念稱

南無無量壽佛稱佛名故於念念中除八十億劫
生死之罪命終之後見金蓮華猶如日輪住其人
前如一念頃即得往生極樂世界於蓮華中滿十
二大劫蓮華方開當以此償五逆罪也觀世音大勢至
以大悲音聲為其廣說諸法實相除滅罪法聞已
歡喜應時則發菩提之心是名下品下生者以此
經證明知下品凡夫但令不誹謗正法信佛因緣
皆得往生問曰無量壽經言願往生者皆得往生
唯除五逆誹謗正法觀無量壽經言作五逆十惡

具諸不善亦得往生此二經云何會答曰一經以
具二種重罪一者五逆二者誹謗正法以此二種
罪故所以不得往生一經但言作十惡五逆等罪
不言誹謗正法以不誹謗正法故是故得生問曰假
使一人具五逆罪而不誹謗正法經許得生復有一
人但誹謗正法而無五逆諸罪願往生者得生以
不答曰但令誹謗正法雖更無餘罪必不得生何
以言之經言五逆罪人墮阿鼻大地獄中具受一
劫重罪誹謗正法人墮阿鼻大地獄中此劫若盡

復轉至他方阿鼻大地獄中如是展轉經百千阿
鼻大地獄佛不記得出時節以誹謗正法罪極重
故又正法者即是佛法此愚癡人既生誹謗安有
願生佛土之理假使但貪彼土安樂而願生者亦如
求非水之木無烟之火豈有得理問曰何等相是
誹謗正法答曰若言無佛無佛法無菩薩無菩薩
法如是等見若心自解若從他受其心決定皆名
誹謗正法問曰如是等計但是已事於衆生有何
苦惱踰於五逆重罪耶答曰若無諸佛菩薩說世

間出世間善道教化衆生者豈知有仁義禮智信
耶如是世間一切善法皆斷出世間一切賢聖皆
滅汝但知五逆罪爲重而不知五逆罪從無正法
生是故誹謗正法人其罪最重問曰業道經言業道
如秤重者先牽如觀無量壽經言有人造五逆十
惡其諸不善應墮惡道經歷多劫受無量苦臨命
終時遇善知識教稱南無無量壽佛如是至心令
聲不絕具足十念便得往生安樂淨土即入大乘
正定之聚畢竟不退與三塗諸苦永隔先牽之義

於理如何又曠劫已來備造諸行有漏之法繫屬
三界但以十念念阿彌陀佛便出三界繫業之義
復欲云何答曰汝謂五逆十惡繫業等為重以下
下品人十念為輕應為罪所牽先墮地獄繫在三
界者今當以義按量輕重之義在心在緣在決定
不在時節久近多少也云何在心彼造罪人自依
止虛妄顛倒見生此十念者依善知識方便安慰
聞實相法生一實一虛豈得相比譬如千歲闇室
光若暫至即便明朗豈得言在室千歲而不去

耶是名在心云何在緣彼造罪人自依止妄想心
依煩惱虛妄果報衆生此十念者依止無上信
心依阿彌陀如來方便莊嚴真實清淨無量功德
名號生譬如有人被毒箭所中截筋破骨聞滅除
藥鼓即箭出毒除名首楞嚴經言譬如自有藥名曰滅
除若聞戰時用以塗鼓聞鼓聲
者箭出除毒菩薩摩訶薩亦復如是住首
楞嚴三昧聞其名者三毒之箭自然拔出豈可得
言彼箭深毒厲聞鼓音聲不能拔箭去毒耶是名
在緣云何在決定彼造罪人依止有後心有間心
生此十念者依止無後心無間心生是名決定按

量三義十念者重重者先牽能出三有兩經一義
耳問曰幾時名為一念答曰百一生滅名一刹那
六十利那名為一念此中云念者不取此時節也
但言憶念阿彌陀佛若惣相若別相隨所觀緣心
無他想十念相續名為十念但稱名號亦復如是
問曰心若他緣攝之令還可知念之多少但知多
少復非無間若凝心注想復依何可得記念之多
少答曰經言十念者明業事成辨耳不必須知頭
數也如言螻蛄不識春秋伊蟲豈知朱陽之節乎

知者言之耳十念業成者是亦通神者言之耳但
積念相續不緣他事便罷復何暇須知念之頭數
也若必須知亦有方便必須曰投不得題之筆點

無量壽經優婆提舍願生偈註卷上

無量壽經優婆提舍願生偈婆藪槃頭菩薩造并

註卷下

沙門曇鸞註解

論曰已下此是解義分此分中義有十重一者願
偈大意二者起觀生信三者觀行身相四者淨入
願心五者善巧攝化六者離菩提障七者順菩提
門八者名義攝對九者願事成就十者利行滿足
論者議也言議偈所以也曰者詞也指下諸句是
議釋偈詞也故言論曰願偈大意者此願偈明何
義示現觀彼安樂世界見阿彌陀如來願生彼國

同下

論注下

故起觀生信者此分中又有二重一者示五念力
二者出五念門示五念力者云何觀云何生信心
若善男子善女人修五念門行成就畢竟得生安
樂國土見彼阿彌陀佛出五念門者何等五念門
一者禮拜門二者讚嘆門三者作願門四者觀察
門五者迴向門門者入出義也如入得門則入出
無身前三念是入安樂淨土門後一念是出慈悲
教化門云何禮拜身業禮拜阿彌陀如來應正遍
知諸佛如來德有無量德無量故德號亦無量若

欲具談紙筆不能載也是以諸經或舉十名或騰
三號蓋存至宗而已豈此盡耶所言三號即此如
來應正遍知也如來者如法相解如法相說如諸
佛安穩道來此佛亦如是來更不去後有中故名
如來應者應供也佛結使除盡得一切智惠應受
一切天地衆生供養故曰應也正遍知者知一切
諸法實不壞相不增不減云何不壞心行處滅言
語道過諸法如涅槃相不動故名正遍知無身光
義如前偈中解爲生彼國意故言此菩薩之

法常以晝三時夜三時禮十方一切諸佛不必有
願生意今應常作願生意故禮阿彌陀如來也云
何讚嘆口業讚嘆讚者讚揚也嘆者歌歎也讚歎
非口不宣故曰口業也稱彼如來名如彼如來光
明智相如彼名義欲如實修行相應故稱彼如來
名者謂稱無身光如來名也如彼如來光明智相
者佛光明是智惠相也此光明照十方世界無有
障身能除十方衆生無明黑闇非如日月珠光但
破空穴中間也如彼名義欲如實修行相應者彼

無身光如來名號能破衆生一切無明能滿衆生
一切志願然有稱名憶念而無明由在而不滿所
願者何者由不如實修行與名義不相應故也云
何爲不如實修行與名義不相應謂不知如來是
實相身是爲物身又有三種不相應一者信心不
淳若存若亡故二者信心不一無決定故三者信
心不相續餘念間故此三句展轉相成以信心不
淳故無決定無決定故念不相續亦可念不相續
故不得決定信不得決定信故心不淳與此相違

論註
名如實修行相應是故論主建言我一心問曰名
為法指如指指月若稱佛名號便得滿願者指月
之指應能破闇若指月之指不能破闇稱佛名號
亦何能滿願耶答曰諸法萬差不可一概有名即
法有名異法名即法者諸佛菩薩名號般若波羅
蜜及陀羅尼章句禁咒音辭等是也如禁腫辭云
日出東方乍赤乍黃等句假使西苑行禁不關日
出而腫得差亦如行帥對陳但一切齒中誦臨兵
鬪者皆陳列在前行誦此九字五兵之所不中抱

朴子謂之要道者也又苦轉筋者以木瓜對火熨
之則愈復有人但呼木瓜名亦愈吾身得其効也
如斯近事世間共知况不可思議境界者乎滅除
藥塗鼓之喻復是一事此喻已彰於前故不重引
有名異法者如指指月等名也云何作願心常作
願一心專念畢竟往生安樂國土欲如實修行奢
摩他故譯奢摩他曰止止者止心一處不作惡也
此譯名乃不乖大意於義未滿何以言之如止心
鼻端亦名為止不淨觀止貪慈悲觀止瞋因緣觀

止癡如是等亦名爲止如人將行不行亦名爲止
是知止語浮漫不正得奢摩他名也如椿柘榆柳
雖皆名木若但云木安得榆柳耶奢摩他云止者
今有三義一者一心專念阿彌陀如來願生彼土
此如來名號及彼國土名號能止一切惡二者彼
安樂土過三界道若人亦生彼國自然止身口意
惡三者阿彌陀如來正覺住持力自然止末聲聞
辟支佛心此三種止從如來如實功德生是故言
欲如實修行奢摩他故云何觀察智惠觀察正念

觀彼欲如實修行毗婆舍那故譯毗婆舍那曰觀
但汎言觀義亦未滿何以言之如觀身無常苦空
無我九相等皆名爲觀亦如上木名不得椿柘也
毗婆舍那云觀者亦有二義一者在此作想觀彼
三種莊嚴功德此功德如實故修行者亦得如實
功德如實功德者決定得生彼土二者亦得生彼
淨土即見阿彌陀佛未證淨心菩薩畢竟得證平
等法身與淨心菩薩與上地菩薩畢竟同得寂滅
平等是故言欲如實修行毗婆奢那故彼觀察有

三種何等三種一者觀察彼佛國土莊嚴功德二者觀察阿彌陀佛莊嚴功德三者觀察彼諸菩薩莊嚴功德心緣其事曰觀觀心分明曰察云何迴向不捨一切苦惱衆生心常作願迴向爲首得成就大悲心故迴向有二種相一者往相二者還相往相者以已功德迴施一切衆生作願共往生彼阿彌陀如來安樂淨土還相者生彼土已得奢摩他毗婆舍那方便力成就迴入生死稠林教化一切衆生共向佛道若往若還皆爲拔衆生渡生死

海是故言迴向爲首得成就大悲心故觀察體相者此分中有二躰一者器躰二者衆生躰器分中又有三重一者國土躰相二者示現自利利他三者入第一義諦國土躰相者云何觀察彼佛國土莊嚴功德彼佛國土莊嚴功德者成就不可思議力故如彼摩尼如意寶性相似相對法故不可思議力者惣指彼佛國土十七種莊嚴功德力不可得思議也諸經統言有五種不可思議一者衆生多不可思議二者業力不可思議三者龍力不

可思議四者禪定力不可思議五者佛法力不可思議此中佛土不可思議有二種力一者業力謂法藏菩薩出世善根大願業力所成二者正覺阿彌陁法王善住持力所攝此不可思議如下十七種一一相皆不可思議至文當釋如彼摩尼如意寶性相似相對者借彼摩尼如意寶性示安樂佛土不可思議性也諸佛入涅槃時以方便力留碎身舍利以福衆生衆生福盡此舍利變爲摩尼如意寶珠此珠多在大海中天龍王以爲首飾若轉

輪聖王出世以慈悲方便能得此珠於閻浮提作大饒益若須衣服飲食燈明樂具隨意所欲種種物時王便索齊置珠於長竿頭發願言若我實是轉輪王者願寶珠兩如此之物若遍一里若十里若百里隨我心願亦時即便於虛空中兩種種物皆稱所須滿足天下一切人願以此寶性力故彼安樂佛土亦如是以安樂性種種成就故相似相對者彼寶珠力求衣食者能兩衣食等物稱求者意非是不求彼佛土則不然性滿足成就故無所

乏少片取彼性為喻故言相似相對又彼寶但能與衆生衣食等願不能與衆生無上道願又彼寶但能與衆生一身願不能與衆生無量身願有如是等無量差別故言相似觀察彼佛國土莊嚴功德成就者有十七種應知何等十七一者莊嚴清淨功德成就二者莊嚴量功德成就三者莊嚴性功德成就四者莊嚴形相功德成就五者莊嚴種種事功德成就六者莊嚴妙色功德成就七者莊嚴觸功德成就八者莊嚴三種功德成就九者莊嚴

嚴兩功德成就十者莊嚴光明功德成就十一者莊嚴妙聲功德成就十二者莊嚴主功德成就十三者莊嚴眷屬功德成就十四者莊嚴受用功德成就十五者莊嚴無諸難功德成就十六者莊嚴大義門功德成就十七者莊嚴一切所求滿足功德成就先舉章門次續提釋莊嚴清淨功德成就者偈言觀彼世界相勝過三界道故此云何不思議有凡夫人煩惱成就亦得生彼淨土三界繫業畢竟不牽則是不斷煩惱得涅槃分焉可思

議莊嚴量功德成就者偈言究竟如虛空廣大無
遺際故此云何不思議彼國人天若意欲宮殿樓
閣若廣一由旬若百由旬若干由旬千間萬間隨
心所成人各如此又十方世界衆生願往生者若
已生若今生若當生一時一日之頃算數所不能
知其多少而彼世界常若虛空無迫迫相彼中衆
生住如此量中志願廣大亦如虛空無有限量彼
國土量能成衆生心行量何可思議莊嚴性功德
成就者偈言正道大慈悲出世善根生故此云何

不思議譬如迦羅末羅蟲其形微小若得大風身
如大山隨風大小爲已身相生安樂衆生亦復如
是生彼正道世界即成就出世善根入正定聚亦
如彼風非身而身焉可思議莊嚴形相功德成就
者偈言淨光明滿足如鏡日月輪故此云何不思
議丈夫忍辱得端正我心影響也一得生彼無瞋忍
之殊人天色像平等妙絕蓋淨光之力也彼光非
心行而爲心行之事焉可思議莊嚴種種事功德
成就者偈言備諸珍寶性具足妙莊嚴故此云何

不思議彼種種事或一寶十寶百千種寶隨心稱
意無不具足若欲令無儻焉化沒心得自在有踰
神通安可思議莊嚴妙色功德成就者偈言無垢
光炎熾明淨曜世間故此云何不思議其光曜事
則映徹表裏其光曜心則終盡無明光為佛事焉
可思議莊嚴觸功德成就者偈言寶性功德草柔
輒左右旋觸者生勝樂過迦旃隣陀故此云何不
思議夫寶例堅強而此柔輒觸樂應著而此增道
事同愛作何可思議有菩薩字愛作形容端正生

人深著經言深之者或生天上或發菩提心莊嚴
三種功德成就者有三種事應知何等三種一者
水二者地三者虛空此三種所以并言者以同類
故也何以言之者一者六大類所謂虛空識地水火
風二者無分別類所謂地水火風虛空但言三類
者識一大屬衆生世間故火一大彼中無故雖有
風風不可見故無住處故是以六大五類中取有
而可莊嚴三種并言之莊嚴水功德成就者偈言
寶華千萬種彌覆池流泉微風動華葉交錯光亂

轉故此云何不思議彼淨土人天非水穀身何須
水耶清淨成就不須洗濯復何用水耶彼中無四
時常調適不煩熱復何須水耶不須而有當有所
以經言彼諸菩薩及聲聞若入寶池意欲令水沒
足水即沒足欲令至膝水即至膝欲令
至腰水即至腰欲令至頸水即至頸欲令灌身自
然灌身欲令還復水輒還復調和冷煖自然隨意
開神悅躰蕩除心垢清明澄潔淨若無形寶沙映
徹無深不照微瀾迴流轉相灌注安祥徐逝不遲

不疾波揚無量自然妙聲隨其所應莫不聞者或
聞佛聲或聞法聲或聞僧聲或聞寂靜聲空無我
聲大慈悲聲波羅蜜聲或聞十力無畏不共法聲諸通
惠聲無所作聲不起滅聲無生忍聲乃至甘露灌頂衆
妙法聲如是等聲稱其所聞歡喜無量隨順清淨
離欲寂滅真實之義隨順三寶力無所畏不共之
法隨順通惠菩薩聲聞所行之道無有三塗苦難
之名但有自然快樂之音是故其國名曰安樂此
水為佛事安可思義莊嚴地功德成就者偈言宮

殿諸樓閣觀十方無身雜樹異光色寶欄遍圍遶
故此云何不思議彼種種事或一寶十寶百寶無
量寶隨心稱意莊嚴具足此莊嚴事如淨明鏡十
方國土淨穢諸相善惡業緣一切悉現彼中人天
見斯事故探湯不及之情自然成就亦如諸大菩
薩以照法性等寶爲冠此寶冠中皆見諸佛又了
達一切諸法之性又如佛說法華經時放眉間光
照于東方萬八千土皆如金色從阿鼻獄上至有
頂諸世界中六道衆生生死所趣善惡業緣受報

好醜於此悉見蓋斯類也此影爲佛事安可思議
莊嚴虛空功德成就者偈言無量寶交絡羅網遍
虛空種種鈴發響宣吐妙法音故此云何不思議
經言無量寶網彌覆佛土皆以金縷真珠百千雜
寶奇妙珍異莊嚴校飾周匝四面垂以寶鈴光色
晃耀盡極嚴嚴自然德風徐起微動其風調和不
寒不暑溫涼柔輒不遲不疾吹諸羅網及衆寶樹
演發無量微妙法音流布萬種溫雅德香其有聞
者塵勞垢習自然不起風觸其身皆得快樂此聲

爲佛事焉可思議莊嚴兩功德成就者偈言兩華
衣莊嚴無量香普薰故此云何不思議經言風吹
散華遍滿佛土隨色次第而不雜亂柔輒光澤馨
香芬烈足履其上階下四寸隨舉足已還復如故
花用已訖地輒開裂以次化沒清淨無遺隨其時
節風吹散華如是六返又衆寶蓮華周滿世界一
一寶華百千億葉其華光明無量種色青色青光
白色白光玄黃朱紫光色亦然曄曄煥爛明曜日
月一華中出三十六百千億光一一光中出三

十六百千億佛身色紫金相好殊特一一諸佛又
放百千光明普爲十方說微妙法如是諸佛各各
安立無量衆生於佛正道華爲佛事安可思議
莊嚴光明功德成就者偈言佛惠明淨日除世癡
闇冥故此云何不思議彼土光明從如來智惠報
起觸之者無明黑闇終必消除光明非惠能爲惠
用焉可思議莊嚴妙聲功德成就者偈言梵聲悟
深遠微妙聞十方故此云何不思議經言若人但
聞彼國土清淨安樂尅念願生亦得往生則入正

定聚此是國土名字爲佛事安可思議華嚴主功
德成就者偈言正覺阿彌陀法王善住持故此云
何不思議正覺阿彌陀不可思議彼安樂淨土爲
正覺阿彌陀善力住持云何可得思議耶住名不
異不滅持名不散不失如以不朽藥塗種子在水
不爛在火不焦得因緣則生何以故不朽藥力故
若人一生安樂淨土後時意願生三界教化衆生
捨淨土命隨願得生雖生三界雜生水火中無上
菩提種子畢竟不朽何以故以逕正覺阿彌陀善

住持故莊嚴眷屬功德成就者偈言如來淨華衆
正覺華化生故此云何不思議凡是雜生世界若
胎若卵若濕若化眷屬若干苦樂萬品以雜業故
彼安樂國土莫非是阿彌陀如來正覺淨華之所
化生同一念佛無別道故遠通夫四海之內皆爲
兄弟也眷屬無量焉可思議莊嚴受用功德成就
者偈言愛樂佛法味禪三昧爲食故此云何不思
議不食而資命蓋所資有以也豈不是如來滿本
願乎乘佛願爲我命焉可思議莊嚴無諸難功德

成就者偈言永離身心惱受樂常無間故此云何
不思議經言身為苦器心為惱端而彼有身有思
而受樂無間安可思議莊嚴大義門功德成就者
偈言大乘善根界等無譏嫌名女人及根缺二乘
種不生故淨土果報離二種譏過應知一者躰二
者名躰有三種一者二乘人二者女人三者諸根
不具人無此三過故名離躰譏嫌名亦三種非但
無二躰乃至不聞二乘女人諸根不具三種名故
名離名譏嫌等者平等一相故此云何不思議也

諸天共器飯有隨福之色足指安地乃詳金磔之
旨而願往生者本則三三之品今無一二之殊亦
如漕澗食陵一味焉可思議莊嚴一切所未滿足
功德成就者偈言衆生所願樂一切能滿足故此
云何不思議彼國人天若欲願往他方世界無量
佛刹供養諸佛菩薩及所須供養之具無不稱願
又欲捨彼壽命向餘國生脩短自在隨願皆得未
階自在之位而同自在之用焉可思議示現自利
利他者略說彼阿彌陀佛國土十七種莊嚴功德

成就示現如來自身利益大功德力成就利益他
功德成就故言略者彰彼淨土功德無量非唯十
七種也夫須彌之入芥子毛孔之納大海豈山海
之神乎毛芥之力乎能神者神之耳是故十七種
雖曰利他自利之義炳然可知入第一義諦者彼
無量壽佛國土莊嚴第一義諦妙境界相十六句
及一句次第說應知第一義諦者佛因緣法也此
諦是境義是故莊嚴等十六句稱為妙境界相此
義至入一法句文當更解釋及一句次第者謂觀

器淨等惣別十七句觀行次第也云何起次建章
言歸命無尋光如來願生安樂國此中有疑疑言
生為有本衆累之元棄生願生生何可盡為釋此
疑是故觀彼淨土莊嚴功德成就明彼淨土是阿
彌陀如來清淨本願無生之生非如三有虛妄生
也何以言之夫法性清淨畢竟無生言生者是
得生者之情耳生苟無生生何所盡盡夫生者上
失無為能為之身下醜醉亡善反三空不空之癩癩也病也
工路根敗永亡號振三千無反無復於斯招耻躄

夫生理謂之淨土淨土之宅所謂十七句是也十
七句中惣別爲三初句是惣相所謂是清淨佛土
過三界道彼過三界有何相下十六種莊嚴功德
成就相是也二者量究竟如虛空廣大無邊際故既知量
此量以何爲本是故觀性性是本義彼淨土從正
道大慈悲出世善根生既言出世善根此善根生
何等相是故次觀莊嚴形相既知形相宜知形相
何等躰是故次觀種種事既知種種事宜知種種
事妙色是故次觀妙色既知妙色此色有何觸是

故次觀觸既知身觸應知眼觸是故次觀水地虛
空莊嚴三事既知眼觸應知鼻觸是故次觀衣花
香薰既知眼鼻等觸須知離染是故次觀佛惠明
照既知惠光淨力宜知聲名遠近是故次觀梵聲
遠聞既知聲名宜知誰爲增上是故次觀主既知
有主誰爲主眷屬是故次觀眷屬既知眷屬宜知
此眷屬若爲受用是故次觀受用既知受用宜知
此受用有難無難是故次觀無諸難既知無諸難
以何義故無諸難是故次觀大義門既知大義門

宜知大義門滿不滿是故次觀所求滿足復次此
十七句非但釋疑觀此十七種莊嚴成就就能生真
實淨信必定得生彼安樂佛土問曰上言知生無
生當是上品生者若下下品人乘十念往生豈非
取實生耶但取實生即隨二執一恐不得往生二
恐更生生惑答譬如淨摩尼珠置之濁水水即清
淨若人雖有無量生死之罪濁聞彼阿彌陀如來至
極無生清淨寶珠名號投之濁心念念之中罪滅
心淨即得往生又是摩尼珠以玄黃幣裏投之於

水水即玄黃一如物色彼清淨佛土有阿彌陀如
來無上寶珠以無量莊嚴功德成就帛裏投之於
所往生者心水豈不能轉生見為無生智乎又如
水上燃火火猛則水解水解則火滅彼下品人雖
不知法性無生但以補佛名力作往生意願生彼
土彼土是無生界見生之火自然而滅衆生躰者
此分中有二重一者觀佛二者觀菩薩觀佛者云
何觀佛莊嚴功德成就觀佛莊嚴功德成就者有
八種相應知此觀義已彰前偈何等八種一者莊

嚴座功德成就二者莊嚴身業功德成就三者莊嚴口業功德成就四者莊嚴心業功德成就五者莊嚴衆功德成就六者莊嚴上首功德成就七者莊嚴主功德成就八者莊嚴不虛作住持功德成就何者莊嚴座功德成就偈言無量大寶王微妙淨華臺故若欲觀座當依觀無量壽經何者莊嚴身業功德成就偈言相好光一尋色像超群生故若欲觀佛身當依觀無量壽經何者莊嚴口業功德成就偈言如來微妙聲梵響聞十方故何者莊

嚴心業功德成就偈言同地水火風虛空無分別故無分別者無分別心故凡夫衆生身口意三業以造罪輪轉三界無有窮已是故諸佛菩薩莊嚴身口意三業用治衆生虛誑三業也云何用治衆生以身見故受三塗身卑賤身醜陋身八難身流轉身如是等衆生見阿彌陀如來相好光明身者如上種種身業繫縛皆得解脫入如來家畢竟得平等身業衆生以憍慢故誹謗正法毀諸賢聖指

痺尊長尊者君父師也長者有德之人及兄黨也如是之人應受拔舌

苦瘡^{クウソウ}苦言教不行苦無名聞苦如是等種種諸
苦衆生聞阿彌陀如來至德名號說法音聲如上
種種口業繫縛皆得解脫入如來家畢竟得平等
口業衆生以邪見故心生分別若有若無若非若
是若好若醜若善若惡若彼若此有如是等種種
分別以分別故長淪三有受種種分別苦取捨苦
長夜大夜無有出期是衆生若遇阿彌陀如來平
等光照若聞阿彌陀如來平等意業是等衆生如
上種種意業繫縛皆得解脫入如來家畢竟得平

等意業問曰心是覺知相云何可得同地水火風
無分別耶答曰心雖知相入實相則無知也譬如
蛇性雖曲入竹筒則直又如人身若針刺若蜂螫
式亦則有覺知若石蛭反之一噉若其刀割則無覺
知如是等有知無知在于因緣若在因緣則非知
非無知也問曰心入實相可令無知云何得有一
切種智耶答曰凡心有知則有所不知聖心無知
故無所不知無知而知知即無知也問曰既言無
知故無所不知若無所不知者豈不是知種種法

耶既知種種之法復云何言無所分別耶答曰諸
法種種相皆如幻化然幻化象馬非無長頸鼻手
足異而智者觀之豈言定有象馬分別之耶何者
莊嚴大衆功德成就偈言天人不動衆清淨智海
生故何者莊嚴上首功德成就偈言如須彌山王
勝妙無過者故何者莊嚴主功德成就偈言天人
丈夫衆恭敬繞瞻仰故何者莊嚴不虛作住持功德
成就偈言觀佛本願力遇無空過者能令速滿足功
德大寶海故不虛作住持功德成就者蓋是阿彌

陀如來本願力也今當略示虛作之相不能住持
用顯彼不虛作住持之義人有輟止也食養士
或疊起舟中積金盈庫而不免餓死如斯之事觸
目皆是得非作得在非守在皆由虛妄業作不能
住持也所言不虛作住持者依本法藏菩薩四十
八願今日阿彌陀如來自在神力願以成力力以
就願願不徒然力不虛設力願相符畢竟不差故
曰成就即見彼佛未證淨心菩薩畢竟得證平等
法身與淨心菩薩與上地諸菩薩畢竟同得寂滅

平等故平等法身者八地已上法性生身菩薩也
寂滅平等者即此法身菩薩所證寂滅平等之法
也以得此寂滅平等法故名爲平等法身以平等
法身菩薩所得故名爲寂滅平等法也此菩薩得
報生二昧以三昧神力能一處一念一時遍十方
世界種種供養一切諸佛及諸佛大會衆海能於
無量世界無佛法僧處種種示現種種教化度脫
一切衆生常作佛事初無往來想供養想度脫想
是故此身名爲平等法身此法名爲寂滅平等法

也未證淨心菩薩者初地已上七地已還諸菩薩
也此菩薩亦能現身若百若干若萬若億若百千
萬億無佛國土施作佛事要須作心入三昧乃能
非不作心以作心故名爲未得淨心此菩薩願生
安樂淨土即見阿彌陀佛見阿彌陀佛時與上地
諸菩薩畢竟身等法等龍樹菩薩婆藪槃頭菩薩
輩願生彼者當爲此耳問曰案十地經菩薩進趣
階級漸有無量功勳逕多劫數然後乃得此云何
見阿彌陀佛時畢竟與上地諸菩薩身等法等耶

答曰言畢竟者未言即等也畢竟不失此等故言
等耳問曰若不即等復何待言菩薩但登初地以
漸增進自然當與佛等何假言與上地菩薩等答
曰菩薩於七地中得大寂滅上不見諸佛可求下
不見衆生可度欲捨佛道證於實際尔時若不得
十方諸佛神力加勸即便滅度與二乘無異菩薩
若往生安樂見阿彌陀佛即無此難是故須言畢
竟平等復次無量壽經中阿彌陀如來本願言設
我得佛他方佛土諸菩薩衆來生我國究竟必至

一生補處除其本願自在所化爲衆生故被弘誓
鎧積累德本度脫一切遊諸佛國修菩薩行供養
十方諸佛如來開化恒沙無量衆生使立無上正
真之道超出常倫諸地之行現前修習普賢之德
若不尔者不取正覺案此經推彼國菩薩或可不
從一地至一地言十地階次者是釋迦如來於閻
浮提一應化道耳他方淨土何必如此五種不思
議中佛法最不可思議若言菩薩必從一地至一
地無超越之理未敢詳也譬如好樹名曰好堅是

樹地生百歲乃具一日長高百丈日日如此計百
歲之長豈類偕松耶見松生長日不過寸聞彼好
堅何能不疑即曰有人聞釋迦如來證羅漢於一
聽制無生於終朝譚是接誘之言非稱實之說聞
此論事亦當不信夫非常之言不入常人之耳謂
之不然亦其宜也略說八句示現如來自利利他
功德莊嚴次第成就應知此云何次第前十七句
是莊嚴國土功德成就既知國土相應知國土
之主是故次觀佛莊嚴功德彼佛若為莊嚴於何

處坐是故先觀座既知座已宜知座主是故次觀
佛莊嚴身業既知身業應知有何聲名是故次觀
佛莊嚴口業既知名聞宜知得名所以是故次觀
佛莊嚴心業既知三業具足應為人天大師堪受化
者是誰是故次觀大衆功德既知大衆有無量功
德宜知上首者誰是故次觀上首上首是佛既知
上首恐同長幼是故次觀主既知是主主有何增
上是故次觀莊嚴不虛作住持八句次第成已
觀菩薩者云何觀察菩薩莊嚴功德成就觀察菩

薩莊嚴功德成就者觀彼菩薩有四種正修行功
德成就應知真如是諸法正躰躰如而行則是不
行不行而行名如實修行躰唯一如而義分爲四
是故四行以正統之何者爲四一者於一佛土
身不動搖而遍十方種種應化如實修行常作佛
事偈言安樂國清淨常轉無垢輪化佛菩薩日如
如須彌住持故開諸衆生淤泥華故八地已上菩
薩常在三昧以三昧力身不動本處而能遍至十
方供養諸佛教化衆生無垢輪者佛地功德也佛

地功德無習氣煩惱垢佛爲諸菩薩常轉此法輪
諸大菩薩亦能以此法輪開導一切無暫時休息
故言常轉法身如日而應化身光遍諸世界也言
百未足以明不動復言如須彌住持也淤泥華者
經言高原陸地不生蓮華卑濕淤泥乃生蓮華此
喻凡夫在煩惱泥中爲菩薩開導能生佛正覺華
諒夫紹隆三寶常使不絕二者彼應化身一切時
不前不後一心一念放大光明悉能遍至十方世
界教化衆生種種方便修行所作滅除一切衆生

善故偈言無垢莊嚴光一念及一時普照諸佛會
利益諸群生故上言不動而至容或至有前後是
故復言一念一時無前後也三者彼於一切世界
無餘照諸佛會大眾無餘廣大無量供養恭敬讚
嘆諸佛如來功德偈言雨天樂華衣妙香等供養
讚諸佛功德無有分別心故無餘者明遍至一切
世界一切諸佛大會無有一世界佛會不至也
肇公言法身無像而殊形並應至韻無言而玄籍
彌布冥權無謀而動與事會蓋斯意也四者彼於

十方一切世界無三寶處任持莊嚴佛法僧寶功
德大海遍示令解如實修行偈言何等世界無佛
法功德寶我願皆往生示佛法如佛故上三句雖
言遍至皆是有佛國土若無此句便是法身有所
不法上善有所不善觀行勝相竟已下是解義中
第四重名爲淨入願心淨入願心者又向說觀察
莊嚴佛土功德成就莊嚴佛功德成就莊嚴菩薩
功德成就此三種成就願心莊嚴應知應知者應
知此三種莊嚴成就由本四十八願等清淨願心

之所莊嚴因淨故果淨非無因他因有也略說入
一法句故上國土莊嚴十七句如來莊嚴八句菩
薩莊嚴四句為廣入一法句為略何故示現廣略
相入諸佛菩薩有二種法身一者法性法身二者
方便法身由法性法身生方便法身由方便法身
出法性法身此二法身異而不可分一而不可同
是故廣略相入統以法名菩薩若不知廣略相入
則不能自利利他一法句者謂清淨句清淨句者
謂真實智惠無為法身故此三句展轉相入依何

義名之為法以清淨故依何義名為清淨以真實
智惠無為法身故真實智惠者實相智惠也實相
無相故真智無知也無為法身者法性身也法性
寂滅故法身無相也無相故能無不相是故相好
莊嚴即法身也無知故能無不知是故一切種知
即真實智惠也以真實而目智惠明智惠非作非
非作也以無為而標法身明法身非色非非色也
非于非者豈非非之能是乎蓋無非之曰是也自
是無待復非是也非是非非百非之所不喻是故

言清淨句清淨句者謂真實智惠無爲法身也此
清淨有二種應知上轉入句中通一法入清淨通
清淨入法身今將別清淨出二種故故言應知何
等二種一者器世間清淨二者衆生世間清淨器
世間清淨者如向說十七種莊嚴佛土功德成就
是名器世間清淨衆生世間清淨者如向說八種
莊嚴佛功德成就四種莊嚴菩薩功德成就是名
衆生世間清淨如是一法句攝二種清淨義應知
夫衆生爲別報之躰國土爲共報之用躰用不二

所以應知然諸法心成無餘境界衆生及器復不
得異不得一不一則義分不異同清淨器者用也
謂彼淨土是彼清淨衆生之所受用故名爲器如
淨食用不淨器以器不淨故食亦不淨不淨食用
淨器食不淨故器亦不淨要二俱潔乃得稱淨是
以一清淨名必攝二種問曰言衆生清淨則是佛
與菩薩彼諸人天得入此清淨數不答曰得名清
淨非實清淨譬如出家聖人以殺煩惱賊故名爲
比丘凡夫出家者持戒破戒皆名比丘又如灌頂

王子初生之時具三十二相即為七寶所屬雖未
能為轉輪王事亦名轉輪王以其必為轉輪王故
彼諸人亦亦復如是皆入大乘正定之聚畢竟當
得清淨法身以當得故得名清淨善巧攝化者如
是菩薩奢摩他毗婆舍那廣略修行成就柔輭心
柔輭心者謂廣略止觀相順修行成不二心也譬
如以水取影清靜相資而成就也如實知廣略諸
法如實知若如實相而知也廣中二十九句略中
一句莫非實相也如是成就巧方便迴向如是者

如前後廣略皆實相也以知實相故則知三界衆
生虛妄相也知衆生虛妄則生真實慈悲也知真
實法身則起真實歸依也慈悲之與歸依巧方便
在下何者菩薩巧方便迴向菩薩巧方便迴向者
謂說禮拜等五種修行所集一切功德善根不取
自身住持之樂欲拔一切衆生苦故作願攝取一
切衆生共同生彼安樂佛國是名菩薩巧方便迴
向成就案王舍城所說無量壽經三輩生中雖行
有優劣莫不皆發無上菩提之心此無上菩提心

即是願作佛心願作佛心即是度衆生心度衆生
心即攝取衆生生有佛國土心是故願生彼安樂
淨土者要發無上菩提心也若人不發無上菩提
心但聞彼國土受樂無間為樂故願生亦當不得
往生也是故言不來自身住持之樂欲拔一切衆
生苦故住持樂者謂彼安樂淨土為阿彌陀如來
本願力之所住持受樂無間也凡釋迴向名義謂
以已所集一切功德施與一切衆生共向佛道巧
方便者謂菩薩願以已智慧火燒一切衆生煩惱

草木若有一衆生不成佛我不作佛而衆生未盡
成佛菩薩已自成佛譬如火燒聽念一切草木欲摘聽歷未盡火一已盡以後其身
而身先故名巧方便此中言方便者謂作願攝取
一切衆生共同生彼安樂佛國然佛國即是畢竟
成佛道路無上方便也障菩提門者菩薩如是善
知迴向成就即能遠離三種菩提門相違法何等
三種一者依智慧門不來自樂遠離我心貪著自
身故知進守退曰智知空無我曰惠依智故不來

自樂依惠故遠離我心貪著自身二者依慈悲門
拔一切眾生苦遠離無安眾生心故拔苦曰慈與
樂曰悲依慈故拔一切眾生苦依悲故遠離無安
眾生心三者依方便門憐愍一切眾生心遠離供
養恭敬自身心故正直曰方外已曰便依正直故
生憐愍一切眾生心依外已故遠離供養恭敬自
身心是名遠離三種菩提門相違法順菩提門者
菩薩遠離如是三種菩提門相違法得三種隨順
菩提門法滿足故何等三種一者無染清淨心以

不為自身求諸樂故菩提是無染清淨處若為身
求樂即違菩提是故無染清淨心是順菩提門二
者安清淨心以拔一切眾生苦故菩提是安穩一
切眾生清淨處若不作心拔一切眾生離生死苦
即便違菩提是故拔一切眾生苦是順菩提門三
者樂清淨心以令一切眾生得大菩提故以攝取
眾生彼國土故菩提是畢竟常樂處若不令一
切眾生得畢竟常樂則違菩提此畢竟常樂依何
而得依大乘門大乘門者謂彼安樂佛國土是也

是故又言以攝取衆生生彼國土故是名三種隨
順菩提門法滿足應知名義攝對者向說智惠慈
悲方便三種門攝取般若般若攝取方便應知般
若者達如之惠名方便者通權之智稱達如則心
行寂滅通權則備省衆機省機之智備應而無知
寂滅之惠亦無知而備省然則智惠方便相緣而
動相緣而靜動不失靜智惠之功也靜不廢動方
便之力也是故智惠慈悲方便攝取般若般若攝
取方便應知者謂應知智惠方便是菩薩父母若

不依智惠方便菩薩法則不成就何以故若無智
惠爲衆生時則隨顛倒若無方便觀法性時則證
實際是故應知向說遠離我心不貪著自身遠離
無安衆生心遠離供養恭敬自身心此三種法遠
離障菩提心應知諸法各有障身相如風能障靜
土能障水濕能障火五黑十惡障入天四顛倒障
聲聞果此中三種不遠離障菩提心應知者若欲
得無障當遠離此三種障身也向說無染清淨心
安清淨心樂清淨心此三種心略一處成就妙樂

勝真心應知樂有三種一者外樂謂五識所生樂
二者內樂謂初禪二禪三禪意識所生樂三者法
樂カク反五角樂反謂智惠所生樂此智惠所生樂從
愛佛功德起是遠離我心遠離無安衆生心遠離
自供養心是三種心清淨增進略爲妙樂勝真心
妙言其好以此樂緣佛生故勝言勝出三界中樂
真言不虛僞不顛倒願事成就者如是菩薩智惠
心方便心無障心勝真心能生清淨佛國土應知
應知者謂應知此四種清淨功德能得生彼清淨

佛國土非是他緣而生也是名菩薩摩訶薩隨順
五種法門所作隨意自在成就如向所說身業口
業意業智業方便智業隨順法門故隨意自在者
言此五種功德力能生清淨佛土出沒自在也身
業者禮拜也口業者讚嘆也意業者作願也智業
者觀察也方便智業者迴向也言此五種業和合
則是隨順往生淨土法門自在業成就利行滿足者
復有五種門漸次成就五種功德應知何者五門
一者近門二者大會衆門三者宅門四者屋門五

者園林遊戲地門此五種示現入出次第相入相
中初至淨土是近相謂入大乘正定聚近阿耨多
羅三藐三菩提入淨土已便入如來大會衆數入
衆數已當至修行安心之宅入宅已當至修行所
居屋窩反尤舉修行成就已當至教化地教化地
即是菩薩自娛樂地是故出門稱園林遊戲地門
此五種門初四種門成就入功德第五門成就出
功德此入出功德何者是釋言入第一門者以禮
拜阿彌陀佛為生彼國故得生安樂世界是名入

第一門禮佛願生佛國是初功德相入第二門者
以讚嘆阿彌陀佛隨順名義稱如來名依如來光
明智相修行故得入大會衆數是名入第二門依
如來名義讚嘆是第二功德相入第三門者以一
心專念作願生彼奢摩他寂靜三昧行故得入
蓮華藏世界是名入第三門為修寂靜止故一心
願生彼國是第三功德相入第四門者以專念觀
察彼妙莊嚴修毗婆舍那故得到彼處受用種種
法味樂是名入第四門種種法味樂者毗婆舍那

中有觀佛國土清淨味攝受衆生大乘味畢竟但
持不虛作味類事起行願取佛土味有如是等無
量莊嚴佛道味故言種種是第四功德相出第五
門者以大慈悲觀察一切苦惱衆生示應化身迴
入生死園煩惱林中遊戲神通至教化地以本願
力迴向故是名出第五門示應化身者如法華經
普門示現之類也遊戲有二義一者自在義菩薩
度衆生譬如獅子搏鹿所爲不難如以遊戲二者
度無所度義菩薩觀衆生畢竟無所有雖度無量

衆生而實無一衆生得滅度者示度衆生如以遊
戲言本願力者示大菩薩於法身中常在三昧而
現種種身種種神通種種說法皆以本願力起譬
如阿脩羅琴雖無鼓者而音曲自然是名教化地
第五功德相菩薩入四種門自利行成就應知成
就者謂自利滿足也應知者謂應知由自利故則
能利他非是不能自利而能利他也菩薩出第五
門迴向利益他行成就應知成就者謂以迴向因
證教化地果若因若果無有一事不能利他應知

者謂應知由利他故則能自利非是不能利他而能自利也菩薩如是修五念門行自利利他速得成就阿耨多羅三藐三菩提故佛所得法名爲阿耨多羅三藐三菩提以得此菩提故名爲佛今言速得阿耨多羅三藐三菩提是得早作佛也阿耨多羅三藐三菩提名上三藐名正三名遍菩提名道統而譯之名爲無上正遍道無上者言此道窮理盡性更無適者何以言之以正故正者聖智也如法相而知故稱爲正智法性無相故聖智無知也遍有

二種一者聖心遍知一切法二者法身遍滿法界若身若心無不遍也道者無導道也經言十方無導人一道出生死一道者一無導道也無導者謂知生死即是涅槃如是等入不二法門無導相也問曰有何因緣言速得成就阿耨多羅三藐三菩提答曰論言修五門行以自利利他成就故然覈求其本阿彌陀如來爲增上緣他利之與利他談有左右若自佛而言宜言利他自衆生而言宜言他利今將談佛力是故以利他言之當知此意也

凡是生彼淨土及彼菩薩人天所起諸行皆緣阿
彌陀如來本願力故何以言之若非佛力四十八
願便是徒設今的取三願用證義意願言設我得
佛十方衆生至心信樂欲生我國乃至十念若不
得生者不取正覺唯除五逆誹謗正法緣佛願力
故十念念佛便得往生得往生故即免三界輪轉
之事無輪轉故所以得速一證也願言設我得佛
國中人不往正定聚必至滅度者不取正覺緣
佛願力故住正定聚住正定聚故必至滅度無諸

迴伏之難所以得速二證也願言設我得佛他方
佛土諸菩薩衆來生我國究竟必至一生補處除
其本願自在所化爲衆生故被弘誓鎧積累德本
度脫一切遊諸佛國修菩薩行供養十方諸佛如
來開化恒沙無量衆生使立無上正真之道超出
常倫諸地之行現前修習普賢之德若不尔者不
取正覺緣佛願力故超出常倫諸地之行現前修習
普賢之德以超出常倫諸地行故所以得速三證
也以斯而推他力爲增上緣得不然乎當復引例

示自力他力相如人畏三塗故受持禁戒受持禁
戒故能修禪定以禪定故修習神通以神通故能
遊四天下如是等名為自力又如劣夫跨驢不上
從轉輪王行便乘虛空遊四天下無所障身如是
等名為他力愚哉後之學者聞他力可乘當生信
心勿自局介也無量壽修多羅優婆提舍願生偈略
解義竟經始稱如是彰信為能入末言奉行表服
應事已論初歸禮明宗旨有由終云義竟示所詮
理畢述作人殊於茲成例

論註下終

無量壽經優婆提舍願生偈註卷下

此中傳本亦久其持古字何云云本而已
更況也錄梓以毒三魚魯古誤不刊是
既共此在之言又豈今初字在為之俟今既
矣可太息也一日心於此母之小子命以
見分而第予請朱墨之因欲加精校重
中豈地免不得心者夫可改正之字
之月也其終相似請寫與本通

之公經之官鳥尊來馬之字錄宋

心改替之幸志工恒自

言覺至于今未聽之志本善之未以

於此於庶集他時美自之史得正中之人有

為令却將嚮於陰海蹶 變以棟於於碧

天形時固恢張於其信而於其世乃於此中

明曆戊戌初春吉且

